



Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat De Sacramentis, & Censuris

Viva, Domenico

Patavii, 1723

Art. V. De Baptismi Ministro.

urn:nbn:de:hbz:466:1-40650

mnis enim actus intellectus , & voluntatis debet habere objectum a se distinctum ; in hoc autem casu non haberent objectum distinctum a se , ut patet consideranti .

Notandum hic , quod quando duo , tamquam causæ totales simul baptizant eundem , ille solum baptizat , qui prius ponit materiam , & formam ; alter vero non est irregularis ex reiteratione Baptismi , quia non habetur nova applicatio materiæ , & formæ post primum baptismum , ut requiratur ad peccandum , & incurriendam irregularitatem ; sicut non peccant Sacerdotes , qui quando initiantur , proferunt simul cum Episcopo formam consecrationis , quamvis illè prius consecret , qui prius formam absolvit .

Notandum etiam cum Bonac. apud Trull. , quod valide baptizet Episcopus , si dicat , *Nos baptizamus te pro Ego te baptizo* ; quia *Nos* ponitur auctoritative pro *Ego* : Et probabile est , speculative loquendo , quod valide baptizet , si dicat , *Ego vos baptizo pro Ego te baptizo* , quia talis mutatio non est substantialis , & Italico sermone sepe pluralis hic numerus pro singulari usurpatur . Valide etiam baptizat Latinus adhibendo sacrilege formam Græcorum , *Baptizetur servus Christi* , vel dicendo , *Baptizet te Christus* , ut communissime docent Doctores apud Conink contra quosdam Canonistas ; sicut valide consecrat latinus in fermentato ; quia materiæ , & formæ essentiales Sacramentorum sunt eadem pro tota Ecclesia ; cum sint a Christo Domino instituta ; quamvis possit Ecclesia prohibere , ne quis aliqua forma contra consuetudinem utatur .

ARTICULUS V.

De Baptismi Ministro .

- I. *Etiam Turca , & Hæreticus , nec non Mulier potest hoc Sacramentum administrare .*
- II. *Num iterandus sit sub conditione Baptismus collatus ab Obstetricibus ?*
- III. *Quinam possit baptizare solemniter ?*
- IV. *In casu necessitatis quinam praerendus sit , qui baptizet ?*
- V. *Quinam irregularitatem incurvant ex illicita Baptismi collatione ?*

I. **Q**uartitur primo , quinam sit Minister hujus Sacramenti ?

Respondeo , esse quemicumque rationis compotem distinctum tamen ab ipso baptizando : unde in necessitate potest etiam Turca , & Paganus , & excommunicatus , etiam hæreticus , etiam mulier baptizare , dummodo habeat intentionem faciendi , quod facit Ecclesia ; cum enim Sacramentum hoc sit maxime necessarium omnibus , congruum fuit , ut cuilibet talis potestas conferretur : Nemo tamen potest se ipsum baptizare , ut constat ex cap. *Debitum de Baptismo* , & colligitur ex verbis Domini , *Baptizantes eos* : Sicut enim nemo potest se ipsum generare corporaliter , sic nec regenerare spiritualiter .

II. Notandum hic , Sylvestrum docere apud Dian. part. 5. tract. 13. resol. 88. , quod si quando obstetrix baptizet puerum , possit hic iterum sub conditione baptizari , quia dubium est , ne subito casu necessitatis turbata aliter fecerit , quam oportuit ; quod aliqua Synodi decreverunt . Communius tamen docent apud Dian. quod universem in nostris regionibus non sit prudens ratio dubitandi de validitate Baptismi collati ab obstetricibus , quæ

fo-

solent esse instructæ juxta obligatiōnem , quam habent ; unde solum in Ecclesia supplendæ sunt solemnitates omisſæ : Quamvis Possev. apud Dian. part. 5. tract. 3. resol. 6. putet , non esse mortale cæremonias omisſas non supplere in Ecclesia . secluso contem- ptu . Baptizandus est pariter sub con- ditione infans , qui in casu necessitatis baptizatus eit in utero Matris per a- quam eo immissam , juxta dicta quæst. 1. art. 7. quia licet probabilissimum sit , infantem nondum egressum ex utero matris capacem esse baptismi , non tamen est omnino certum apud Do- ctores .

III. Quæres secundo , Quinam sit Minister Baptismi ordinarius , seu ex vi sua institutionis deputatus ad illum ministrandum solemniter ?

Respondeo , esse Sacerdotem , ut constat ex Florent. in decreto Eugen. cap. Firmiter , & ex usi Ecclesia , & ratione D. Th. ; quia scilicet Sacerdos vi sua consecrationis recipit potesta- tem in corpus Christi verum : ergo etiam in corpus Christi mysticum , idest in homines : Sicut autem Sa- cerdos quilibet habet potestatem con- ferendi Sacramentum Pœnitentiaæ , sed ut valide illud conferat , debet habe- re jurisdictionem ab Ecclesia ; ita pa- riter , ut licite baptismum Sacerdos conferat solemniter , indiget facultate Episcopi , vel Parochi personæ bapti- zandæ , propter bonum Ecclesia regi- men . Quare quando a Florentino di- citur , quod Sacerdos sit ordinarius Minister baptismi , non est sensus , quod Sacerdos habeat completum jus ba- ptizandi , sed solum quod homo per Sacerdotium fiat idoneus , cui com- mittatur ordinaria potestas baptizan- di , sicut & absolvendi . Et ratio a priori est , quia ad solos Principes speſtat ascribere aliquem in membrum Communitatis , & communicare pri- vilegia ; non sunt autem Principes

Ecclesia Sacerdotes , sed h. m. Prin- cipes sunt Episcopi , & Pastores ani- marum : Itaque solum Pastor proprius hominis baptizandi , videlicet Epi- scopus , vel Parochus in propria Diœ- cesi , aut Parochia , possunt jure suo solemniter baptizare , & possunt facul- tatem hanc communicare cuilibet Sa- cerdoti : Imo ob justam causam in necessitate non extrema , sed notabili , ut putat Conink , (qualis eset , si non posset Sacerdos commode per se baptizare) possunt concedere faculta- tem baptizandi solemniter Diacono , ut communiter Doctores docent ; & colligitur ex Catechis. Romano de Ba- ptismo . Et ratio est , quia proprium Diaconi munus est inservire Sacerdo- ti : Aliis vero inferioribus Diacono solum Summus Pontifex potest facul- tatem concedere , ut solemniter ba- ptizent , quia ritus baptizandi solemniter non est de jure divino , sed Ec- clesiastico ; unde potest Pontifex , qui supra totum jus Ecclesiasticum pote- statem habet , dare cuilibet hanc fa- cultatem .

IV. Quæres tertio , Quinam ordo servandus sit in collatione Baptismi in casu necessitatis , ut licite conferatur ?

Respondeo , hunc ordinem servan- dum , ut ſemina non baptizet præſente viro sciente baptizare , nec laicus præſente clerico , nec Clericus præſente Diacono , nec Diaconus præſente Sacerdote , nec Sacerdos præſente pro- prio Pastore : & cæteris paribus pre- ponendus eſt baptizatus non baptiza- to , catholicus haeretico , non excom- municatus excommunicato . Est autem mortale , ut communiter docent contra Valent. apud Trull. , si præſente Sacerdote , qui poſſit commode ba- ptizare , alius non Sacerdos baptizet ; quia fit gravis injuria tum Sacra- mento , tum Ordini , & dignitati perso- nae , cuius jus ulupratur ; quin poſſit ille huic juri cederet . Imo Vasq. , Co-

E 2 nink,

nink, & alii docent esse etiam mortale, si praesente Diacono inferior baptizet; quod tamen Suar., Sot., Granad. negant, quia Diaconus non est Minister Baptismi ex officio; unde non irrogaretur ejus dignitati gravis injuria, atque adeo solum venialiter peccaretur; Non secus ac si praesente clero baptizaret laicus, aut praesente laico femina, aut praesente justo non excommunicato, aut catholico baptizaret peccator, aut excommunicatus, aut haereticus, praeviso scandalo: Ratio est, quia talis ordinis inversio nullo jure positivo est prohibita; unde solum est mala ob quandam indecentiam, ut notat Granad. apud Dian. part. 3. tract. 4. resol. 4, & part. 5. tract. 3. resol. 18.

Peccaret quidem graviter Pater, sicut etiam Mater, si in casu necessitatis filium baptizaret aliis praesentibus, qui baptizare puerum possent, ut notat Dian. part. 3. tract. 4. resol. 3., quamvis probabiliter ex Conink contra Villalob. apud eundem Dian. non privaretur jure petendi debitum; cum haec pena in nullo textu inventiatur. Solum cognatio spiritualis intercedit inter baptizantem, & Parentes baptizati, quae impedit matrimonium, non tamen habetur obligatio non petendi debitum, si matrimonium jam sit contractum.

Non debet tamen esse multum scrupulosus in expectando magis idoneos, qui baptizantem perquirit in casu necessitatis, ne forte, dum idoneus expectatur, infans decedat. Immo, si proles nondum tota extra uterum eglesia baptizanda sit, debet ab obfetice baptizari, cum non deceat alios advocate.

Queritur ultimo, Quanam pena imposta sit illicite baptizanti?

Respondeo, quod rebaptizans irregularitatem incurrit, sicut etiam adulterus rebaptizatus: Si quis tamen cul-

pabiliter rebaptizat sub conditione, communiter docent contra Sayr., & Hered. apud Dian. part. 3. tract. 4. resol. 9. quod irregularitatem non incurrat; quia rebaptizatio sub conditione non est simpliciter dicta Rebaptizatio, cui tantum imposita est in jure irregularitas. Deinde clericus non Sacerdos solemniter baptizans, sicut etiam Diaconus sic baptizans sine Sacerdotis delegatione, incurrit irregularitatem, ex cap. 1. de Clerico non ordinato administrante: probabiliter autem ex Nav. Fill. apud Trull. non sit irregularis laicus solemniter baptizans, quia talis pena videtur imposta clericu non ordinato, non laico. In cap. Placuit 16. quæst. 1. prohibetur Monachis, ne baptizent, nulla tamen iis imponitur pena; unde Granad. putat id non praecipi sub mortali; Immo Rodriq. apud Dian. part. 5. tract. 13. resol. 18. putat, iis prohiberi tantum, ne baptizent sine licentia Ordinarii: Nomine autem Monachi non venit quilibet regularis, sed solum illi, qui sub obedientia Abbatis vivunt.

ARTICULUS VI.

De Subjecto Baptismi.

- I. Num etiam infans nondum egressus ex uero matris possit sub conditione baptizari, quando per fistulam ablui potest?
- II. Invitis parentibus filii Infidelium baptizari possunt, si habentes usum rationis Baptismum postulerent, & a Parentibus subtrahendi.
- III. Sicut etiam infantes Haereticorum, & Apostatarum; Necon filii Infidelium Mancipiorum.
- IV. Non tamen filii Infidelium, qui aut nullatenus subjecti sunt Principibus Christianis, aut his subjiciuntur solum politice.

V. Di-